



## Publicaziuns dalla vischnaunca, jamna 09

### Votaziuns federalas dils 7 da mars 2021

L'urna principala en casa communal e aviarta sco suonda: **Dumengia: 7-3-2021, 9.00–11.00**

La documentaziun da votar duess mintga votant/a haver obteniu. Cass cuntrari san ins s'annunziar immediat, denton **sil pli tard entochen venderdis, ils 5 da mars 2021, allas 17.00**, tier l'administraziun communal (tel. 081 920 36 36).

#### Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 7 da mars 2021 allas 11.00 tier l'administraziun communal.

**Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.**

*Suprastonza communal*

---

### Damonda da baghegiar

**2021-1009.000**

**Datum dalla publicaziun: 5 da mars**

Il patrun: Corporaziun d'aua Spina da Vin, Caum postal 132, 7180 Disentis/Mustér

Il representant: ipz ingenieure + planer ag, Via Lucmagn 7, 7180 Disentis/Mustér

Object: Nova lingia pil provediment d'aua, quartier Casa Nauscha, parcelas 109, 139, 377, 408 e 3627, 7186 Segnas

#### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 5 da mars 2021

*Uffeci da baghegiar Disentis/Mustér*

---

### Cussegl da vischnaunca

#### Rapport dalla seduta dils 26-2-2021

Venderdis, ils 26 da fevrer 2021 ha giu liug ella halla Cons la secunda seduta dil cussegl da vischnaunca per la perioda d'uffeci 2021/2024. El center dalla seduta ein la revisiun parziala dalla planisaziun locala sco era in'orientaziun dalla suprastonza davart las finamiras ed il program da lavur per la legislatura 2021/2024 stai.



Il cussegl da vischnaunca sut l'egida da Giusep Lozza ha approbau venderdis sera unanimamein il plan general d'avertura dalla nova via da mountainbike Gendusas–Caischavedra (Biketrail/Flowtrail), aschia ch'ins sa probablamein quintar cun la realisaziun questa primavera/stad. Medemamein ha il cussegl da vischnaunca approbau unanimamein la revisiun parziala dil plan da zonas dil «Skills Park» da mountainbike ch'ei gia vegnius realisaus spel «Catrina Resort» e dalla lescha da baghegiar cun suttametter quei conclus alla votaziun all'urna che ha prevedentamein liug quest atun.

Plinavon ha il cussegl da vischnaunca priu enconuschientscha dallas finamiras e dil plan da lavur dalla suprastonza communal per la legislatura 2021/2024. Il president communal René Epp ha denter auter menziunau ch'ins vul posiziunar e rinforzar la vischnaunca da Mustér sco subcenter dalla Surselva. Tuts dueien luvrar en favur dil beinstar general e trer vid il medem sughet per sviluppar il vitg da Mustér sco liug attractiv da habitar. En quei connex duei cunzun l'attractivitat dil center dil vitg da Mustér vegnir augmentada. Sper massa autras finamiras ella perioda d'uffeci 2021/2024 eis ei previu da comunicar dapli anovians, optimar la purschida dalla dismessa da rumians ed instradar la sanaziun/engrondaziun dalla serenera.

La suprastonza communal ha ultra da quei lantschau il project d'optimar l'administraziun communal. Per garantir in'organisaziun effectiva e cunzun flexibla, cun la quala ins sa el futur realisar tut ils projects previ, ei vegniu instradau ina cumissiun che duei ensemen cul president communal elaborar propostas per mauns dil parlament. Ina buna e professiunala organisaziun ei la basa per garantir el futur in svilup progressiv ella vischnaunca da Mustér. Il cussegl da vischnaunca ha eligiù ella cumissiun las suandontas cusseglieras e suandonts cussegliers: Theres Burri Gadola, Adrian Flepp, Armin Manetsch e Helga Probst-Linder. Igl ei previu da tractar la fatschenta a caschun dalla seduta dil cussegl da vischnaunca dils 25 da zercladur 2021.

*Suprastonza communal*

---

### **Preavis serrada da vias d'uau**

Las malauras digl october vargau han caschunau donns vid differentas vias d'uau. Las reparaturas succedan la primavera/stad 2021. Durent il temps da construcziun ston ils tschancuns pertuccai vegnir serrai per tut traffic. Las restricziuns e serradas dallas vias en detagl vegnan publicadas el «Fegl official» entgin temps avon che las lavurs vegnan exequidas. Suandontas vias e loghens ein pertuccai:

Via Run – Plaun Tir  
Val da Crappa, Val Mala, Truaisch – Tir  
Via Runca, Cavardiras – Caischavedra  
Val Runtget entochen Aclas da Cavardiras  
Via Plaun Menisch  
Fontanettas – Pardi  
Via Cavorgia Sura  
Mises Las Cavorgias – Camaher – Riada  
Via Fontaunas  
Clavadias – Fontaunas

Nus supplichein da prender enconuschientscha da quests preavis. Bien engraziament per la capientscha.

Disentis/Mustér, ils 5 da mars 2021  
*Uffeci forestal Disentis/Mustér*

---

### **Exposiziun da recuors Revisiun parziala dalla planisaziun locala (plan general d'avertura)**

En applicaziun d'art. 48 alinea 4 dalla lescha davart la planisaziun dil territori pil cantun Grischun (LPTGR) ha liug l'exposiziun da recuors pertuccont la revisiun parziala dalla planisaziun locala dalla vischnaunca da Disentis/Mustér, la quala ei vegnida approbada ils 26 da fevrer 2021 entras il cussegl da vischnaunca.



**Object:**

Revisiun parziala dalla planisaziun locala «Via da velos Gendusas - Caischavedra»

**Acts d'exposiziun:**

- Plan general d'avertura 1:5'000
- Rapport da planisaziun e cooperaziun cun annexas

**Temps da publicaziun:**

30 dis naven dils 5 da mars entochen ils 6 d'avrel 2021, mintgamai durent las uras da spurtegl.

**Liug d'exposiziun:**

Casa communal (stanza nr. 10), Via Cons 2, 7180 Disentis/Mustér.

**Recuors da planisaziun:**

Persunas che han in agen interess digns da vegnir protegius vid ina contestaziun dalla planisaziun ni ch'ei legitimadas leutier tenor dretg federal, san inoltrar alla Regenza grischuna enteifer 30 dis dapi il datum da publicaziun a scret in recuors da planisaziun encunter la planisaziun locala.

**Organisaziuns digl ambient:**

Organisaziuns digl ambient exerciteschan lur dretg da recuors tenor art. 104 alinea 2 dalla lescha cantunala davart la planisaziun dil territori, q.v.d. ellas s'annunzian enteifer il temps da recuors tier igl uffeci cantunal pil svilup dil territori ed inolteschan silsuenter eventualmein ina posiziun.

Disentis/Mustér, ils 2 da mars 2021

*Suprastonza communal*

---

**Clom d'urgenza 118**

Preziadas vischinas, prezias vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantu ch'agid professional arriva il pli spert pusseivel sil plaz.

Engraziel per Vies sustegn!

*Vos Pumpiers Sursassiala*

---

**Nossa scola populara Mustér**

**Negins dis dallas portas aviartas 2021**

Pervia dil coronavirus han ils usitai dis da viseta da fin mars deplorablamein buca liug. Gia per la secunda gada stuein nus ord motivs enconuschents desister da beneventar Vus en nossa scola. Nus essan da buna fei d'astgar arver per Vus las portas da nossa scola puspei il mars 2022. Stei saun/-as e cordials salids

**Entrada anticipada en scoletta**

Mintgamai igl uost entran ils affons che han cumplenu il tschunavel onn da vegliadetgna tochen ils **31 da december** dil medem onn calendar ella scoletta. Tenor la lescha da scola dat ei la pusseivladad d'entrar en scoletta anticipau, quei munta in onn avon.

In'entrada anticipada ella scoletta da Mustér per affons da quater onns ei cumbinada cun claras cundiziuns. Igl affon sto corrispunder en siu entir stadi da svilup alla gruppa d'affons pli veglia ed el sa ir entuorn cun las pretensiuns dalla scoletta senza sustegn special. Davart l'admissiun anticipada decidan duas jamnas da fuffernadi en scoletta.



Dapli informaziuns survegnan geniturs interessai tiel meinascola Roger Tuor (081 936 44 25, meinascola@scoladisentis.ch). Annunziassan vegnir inoltradas tochen ils **12 da mars 2021**. Annunziassuenter quei termin san buca pli vegnir risguardadas.

Cordials salids  
*Nossa scola populara Mustér*

---

### Gemeinsam fasten – Informationsabend

**Online-Zoom-Meeting, Montag, 8.3.2021, von 19.30–20.30 Uhr.** Auch für den Informationsabend ist eine Anmeldung nötig: [julia.lindenberg@icloud.com](mailto:julia.lindenberg@icloud.com) oder Tel. 076 308 22 13. Am Informationsabend werden die verschiedenen Dimensionen des Fastens vorgestellt, eine konkrete Fastenmethode und der Ablauf der gemeinsamen Fastenwoche besprochen. Im Anschluss gibt es Raum für Ihre Fragen. Insbesondere ist die Fastenwoche auch für Einsteiger/innen ins Fasten geeignet.

### Fastenwoche vom 24.3.–31.3.21

Innerhalb dieser Woche treffen wir uns zweimal am Anfang und Ende per Online-Zoom-Meeting, jeweils von 19.30–20.30 Uhr. Dazwischen sind individuell zu vereinbarende Zweitreffen mit der Leitung oder unter den Teilnehmenden möglich. Die Teilnahme ist unabhängig von Religions- oder Konfessionszugehörigkeit. An den Treffen werden die dann gültigen Corona-Schutzregeln von Bund und Kanton eingehalten. Bitte informieren Sie sich auf [www.auaviva-cadi.ch](http://www.auaviva-cadi.ch) oder tel. bei Julia Lindenberg. Die Fastengruppe wird von Julia Lindenberg und Pfr. Roland Just geleitet. Definitive Anmeldung zur Fastenwoche bitte bis 15.3.2021 und zum Informationsabend bis 8.3.2021 an [julia.lindenberg@icloud.com](mailto:julia.lindenberg@icloud.com) oder Tel. 076 308 22 13. Sie erhalten dann per Mail die Zugangsdaten für das Zoom-Meeting.

---

### Cuntinuaziun dils «Cafés rumantschs» virtuals

**Naven dils 8 da mars** cuntinueschan las purschidas dils «Cafés rumantschs» virtuals. Las purschidas sursilvanas dat ei mintgamai il gliendisdis, alternont inaga allas 20.00 e l'otra ga allas 16.00:

**8-3-2021**, 20.00–20.45, cul hosp Remo Arpagaus ed il focus Flurin Camathias

**15-3-2021**, 16.00–16.45, tematica: ils segns dil zodiac

**22-3-2021**, 20.00–20.45, cul hosp Cornelia Vinzens ed il focus sin siu cudisch «Nus savevan da nuot auter»

**29-3-2021**, 16.00–16.45, tematica: primavera

Per separticipar supplichein da s'annunziar via [www.curs.ch/cafe-rumantsch](http://www.curs.ch/cafe-rumantsch). La purschida ei gratuita. Ulteriuras informaziuns anfleis via [www.liarumantscha.ch](http://www.liarumantscha.ch). Leu anfleis era in'instrucziun per duvrar il program Zoom ed ulteriuras informaziuns. Attenziun: Ils plazs pils «Cafés rumantschs» ein limitai.

Nus selegrein sin Vus.  
*Lia Rumantscha*

---

### Apparat d'udida

**Gliendisdis, ils 15 da mars 2021** saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma Jäggi sorprendan comunablaimein quei survetsch gratuit per tuts interessents. Ei drova negina annunzia.